

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (20122023) / (771)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«20» դեկտեմբերի 2023 թ.
(ամսաթիվը)

Սիսիան-Երևան մայրուղու 7-րդ կմ
(կազմման վայրը)

Ես՝ ՀՀ պետական եկամուտների կոմիտեի
Հարավային մաքսատուն-վարչության
(ստորաբաժանման անվանումը)

Ղեկավար Արտաշես Ղամբարյանս, քննելով՝ «ԳՐԻԳ ԹԱՅԳԵՐ» ՍՊԸ-ի մաքսային
ձևակերպումների մասնագետ Իրինա Հովհաննիսյանի (նույն. քարտ՝ 014071518,
էլեկտրոնային հասցե՝ ihovyan@gmail.com)

(քննվող անձի անվանումը, կազմակերպիրավական տեսակը, ՀՎՀՀ, պետական գրանցման/ընկերության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Հարավային մաքսատուն-վարչության մաքսային գործառնությունների բաժնի
գլխավոր մաքսային տեսուչի կողմից իրականացված փաստաթղթային հսկողության
արդյունքում պարզվել է, որ 28.11.2023 թվականին «Ալտերնատիվ պրոջեկտ» ՍՊ

ընկերության անվամբ «ԳՐԻԳ ԹԱՅԳԵՐ» ՍՊԸ-ի մաքսային ձևակերպումների մասնագետ Իրինա Հովհաննիսյանի կողմից ներկայացված թիվ 05100040/281123/0011293 ապրանքների հայտարարագրում գործարքի գնի մեթոդով հայտարարագրված ապրանքի մաքսային արժեքը ներկայացվել է ոչ ճշգրիտ, մասնավորապես՝ չեն ավելացվել մինչև ՀՀ սահմանը կատարված տրանսպորտային ծախսերը, որոնց կատարումը հավաստվում է թիվ G-6 առ 26.11.2023 թվականի հաշիվ-ապրանքագրով: 45-րդ սյունակում մաքսային արժեքը նշվել է 462858 ՀՀ դրամ, սակայն պետք է նշվեր 749302 ՀՀ դրամ: Վերոնշյալ ոչ ճշգրիտ տեղեկությունը ներկայացնելու արդյունքում 67600 ՀՀ դրամ մաքսային վճարների պակաս հաշվարկում է առաջացել:

Փաստի առթիվ 28.11.2023 թվականին ՀՀ ՊԵԿ ՀՄՎ ՄԳ բաժնի գլխավոր մաքսային տեսուչի կողմից «ԳՐԻԳ ԹԱՅԳԵՐ» ՍՊԸ-ի մաքսային ձևակերպումների մասնագետ Իրինա Հովհաննիսյանի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ, այն է՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը»:

ԵԱՏՄ մաքսային օրենսգրքի 40-րդ հոդվածի 1-ին մասի 1-ին կետի 4-րդ ենթակետի համաձայն՝ «Ներմուծվող ապրանքների մաքսային արժեքը դրանց վերաբերյալ գործարքի արժեքի հիման որոշելիս՝ դրանց համար փաստացի վճարված կամ վճարման ենթակա գնին գումարվում է հետևյալ հավելագրումը՝ ներմուծվող ապրանքների՝ մինչև Միության մաքսային տարածք այդ ապրանքների ժամանման վայր, իսկ եթե ապրանքների փոխադրումը (տրանսպորտային փոխադրումը) իրականացրած տրանսպորտի տեսակից և այդպիսի փոխադրման (տրանսպորտային փոխադրման) առանձնահատկություններից կախված Հանձնաժողովի կողմից սահմանվել են այլ վայրեր՝ ապա մինչև Հանձնաժողովի

կողմից սահմանված վայր փոխադրման (տրանսպորտային փոխադրման) հետ կապված ծախսերը»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 316-րդ հոդվածի 1-ին մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

«Մաքսային կարգավորման մասին» ՀՀ օրենքի 316-րդ հոդվածի 3-րդ մասի համաձայն՝ «Սույն հոդվածի 1-ին մասով սահմանված արարքը, որի հետևանքով առաջանում է մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի), տուրքերի չհաշվարկում (պակաս հաշվարկում) կամ չվճարում (պակաս

վճարում՝ հանցագործության հատկանիշների բացակայության դեպքում՝ առաջացնում է տուգանք՝ չհաշվարկված (պակաս հաշվարկված) կամ չվճարված (պակաս վճարված) մաքսային վճարների, **մաքսային մարմինների կողմից գանձվող այլ հարկերի, տուրքերի և վճարների** (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) **ընդհանուր գումարի քսան տոկոսի չափով, բայց ոչ պակաս, քան երեսուն հազար դրամի չափով**»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշների/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

«ԳՐԻԳ ԹԱՅԳԵՐ» ՍՊԸ-ի մաքսային ձևակերպումների մասնագետ Իրինա Հովհաննիսյանն էլեկտրոնային փոստով 20.12.2023 թվականի ժամը 12:30-ին նշանակված գործի քննության մասին ծանուցվել է, սակայն չի ներկայացել գործի քննությանը և գործի քննությունն իրականացվել է նրա բացակայությամբ:

Հաշվի առնելով այն հանգամանքը, որ «ԳՐԻԳ ԹԱՅԳԵՐ» ՍՊԸ-ի մաքսային ձևակերպումների մասնագետ Իրինա Հովհաննիսյանի կողմից թիվ 05100040/281123/0011293 ապրանքների հայտարարագրում ոչ ճշգրիտ տեղեկություն ներկայացնելու արդյունքում 67600 ՀՀ դրամ մաքսային վճարների պակաս հաշվարկում է առաջացել, հետևաբար այս դեպքում կիրառելի է «Մաքսային կարգավորման մասին» ՀՀ օրենքի 316-րդ հոդվածի 3-րդ մասը:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 316-րդ հոդվածի 3-րդ մասով, 322-րդ, 334-րդ հոդվածներով՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. «ԳՐԻԳ ԹԱՅԳԵՐ» ՍՊԸ-ի մաքսային ձևակերպումների մասնագետ Իրինա Հովհաննիսյանին «Մաքսային կարգավորման մասին» ՀՀ օրենքի 316-րդ հոդվածի 3-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության և տուգանել **30000 ՀՀ դրամի** չափով:

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մաքսատուն-վարչություն

(ստորաբաժանման անվանումը)

Ղեկավար՝ Արտաշես Ղամբարյան

(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2023թ.

Ծանոթություն. Սույն որոշմամբ նշանակված քույրի գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: